

四庫全書

子部

欽定四庫全書

子部
普濟方卷四百十六

詳校官太醫院吏目臣宋桂

編修臣倉聖脈覆勘

總校官進士臣繆琪

校對官中書臣朱忻

謄錄監生臣曹錫爵

欽定四庫全書

普濟方卷四百十六


明

周王朱橚撰

鍼灸門

腧穴圖

手太陰肺經左右十八穴



少商二穴木也在手大指端內側去爪甲角如韭葉

明堂

云白肉際宛宛中又云陷中者

以三稜針刺之微出血洩諸臟熱

湊不宜灸昔成君綽忽顙頰腫大如升喉中閉塞水粒不下甄權針之竟愈 明堂經云針一分留

三呼瀉五吸宜針宜灸以三稜針刺之令血出勝氣針所以勝氣針者此脉脹顙之後顙中有氣人

不能食故刺出血以宜者臟腠也忌令熱食下經

云灸三壯

甲乙經作乙壯

銅人經云手太陰之脉所出也

為井治煩心善噦心下滿汗出而寒欬逆痰癰振
寒腹滿唾沫唇乾引飯不下膨膨手攣指痛寒慄
鼓頷喉中鳴 又云主不能食腹中氣滿喫食無
味 西方子云主嘔吐手不仁振慄欬逆喘及至
脇下脹耳前痛

魚際二穴火也在手大指本節後內側散脉中針一分
留二呼素問主二分灸三壯 銅人經云手太陰
脉之所流也為榮治洒淅惡風寒虛熱舌上黃身

熱頭痛欬嗽汗不出痺走胸背痛不得息目眩心
煩少氣腹痛不下食肘攣痰滿喉中乾燥寒慄鼓
頷欬引尻痛溺出嘔血心痺悲恐針入二分留三
呼 又云主虛熱洒洒毛豎惡風寒喘痺少氣不
足下濕陰痺喉中乾渴屋上氣熱病腹滿陰痿也
不變肺心痛膈中虛食飲嘔身熱汗出重嘔吐血
目泣出短氣逆氣任陽胃氣逆也 西方子云土
胃逆霍亂唾血吐血及主瘕逆氣失瘕不能言及

狂言

大淵二穴土也在掌後陷中灸三壯針一分素問注二

分 明堂下經云大淵在手中掌後橫文頭陷中

灸五壯

難經云掌中魚際下脉會大淵脉病治此

又云主胸中氣滿不

得卧肺脹滿膨膨然目中白翳掌中熱胃氣上逆

唾血及狂言肘中痛 銅人經云主胸痺逆氣寒

戰善噦嘔飲水欬嗽煩惋不得卧肺脹滿膨膨臂

內痛目生白翳眼皆赤筋缺分中引痛掌中熱數

欠喘不得息噫氣上逆心痛唾血振寒咽乾狂言
口噤又云手大陰脉之所注也

同人曰大淵明堂大泉疑是二穴也千金方註
云大泉即大淵避唐祖名改之於是書之以示

世醫云

泉脉青
冷泉同

經渠二穴金也在寸口陷中針二分留三呼禁灸灸傷
人神 銅人經云手太陰脉之所行也為經治瘡
寒熱胸背俱急胸痛滿膨膨喉痺掌中熱欬嗽上

氣數欠及熱病汗不出暴痺喘逆心痛欲嘔吐鍼
三分西方子云此穴不灸

列缺二穴在腕側上一寸半

明堂下經云
腕上一寸

以手交釵頭

指末兩筋骨罅中針二分留三呼瀉五吸灸七壯
明堂經云針三分再灸七壯若患偏風灸至百壯
若患腕勞灸至七壯下經云三壯素問註云腕上
一寸半 明堂經云在腕上一寸筋骨罅間宛宛
中灸三壯主偏風半身不舉口喎腕勞肘臂痛及

痛瘡面色不定 銅人經云手太陰絡引走陽明
療偏風口喎手腕無力半身不遂欬嗽掌中熱口
噤不開寒瘡嘔沫善笑從唇口健忘針二分留三
呼瀉五吸可灸七壯慎酒麵生冷等物 西方子
云主汗出四肢腫小便熱痛主手臂身熱肩背寒
慄少氣不足息寒厥交兩手而驚丸實則肩背汗
出四肢暴腫虛則肩寒慄氣不足以息四肢厥喜
笑身濕揺時時寒主熱癰驚而有所見主熱病煩

心心悶先手臂身熱瘰癧唇口聚鼻張目汗出如珠寒熱掌中熱主瘧寒熱及喉痺欬嗽不止及瘧甚熱口噤不開

孔最二穴在腕上七寸

明堂下經云陷者宛宛中

手太陰治熱病汗

不出此穴可灸三壯即汗出欬逆臂厥痛針三分壯又云灸三壯 明堂經云主肘臂厥痛屈伸難乎不及頭不握也 銅人經云手太陰郄治吐血失瘖腫痛惡血

尺澤二穴水也在肘中約上動脈中針三分灸五壯

明堂經云肘中約上兩筋動脈中甄權云在臂屈伸橫文中筋骨罅陷中不宜灸主癰病不可向手臂不得上頭素問刺禁云刺肘中內陷氣歸之為不屈伸主云肘中謂肘屈折之中尺澤穴中也刺過陷脈惡氣歸之氣閉關節故不屈伸

難經疏言尺之一寸

外為尺澤也言尺脈如澤尺水入大澤也

銅人經云手太陰脈之所入

也為合治風痺肘攣手臂不得舉喉痺上氣口乾

欬嗽唾濁四肢暴腫臂寒短氣 西方子云灸三

壯小兒慢驚灸一壯支舌乾脇痛主心煩腹脹喘

拒慄主嘔泄下上出兩脇下主欬逆上氣呼吸多

唾濁沫膿血主掣痛手不可伸主肘痛時寒肩背

寒瘧肩甲內廉痛氣隔喜嘔鼓顙不得汗煩心身

痛四肢暴腫銅人經云灸五壯明堂乃云不宜灸

主癰病不可向手臂不得上頭既曰不宜灸矣又

曰主癰病是則可灸也此必有誤且從銅人灸五

壯明堂亦云禁穴許灸一壯至三壯故也

俠白二穴在天府下去肘五寸動脉中針三分灸五壯
西方子云主欬乾嘔煩滿主心痛氣短

天府二穴在腋下三寸動脉中

一云宛
宛中


以鼻取之禁灸

使人逆氣今附刺鼻衄不止針四分留三呼又云
針四分留七呼灸二七壯不除至百壯者出明堂
經其甲乙經禁灸 銅人經云治逆氣喘不得息
目眩遠視眴眴卒中惡鬼症不得安卧禁不可灸

又云手太陰脉氣所發主頭眩目瞋 西方子
云灸五壯主身脹逆息不得卧風汗身腫喘息咳
唾主上息喘不得上氣呼吸不知食味卒中惡風
邪氣飛尸惡鬼語遁尸瘡病溜癭氣咽腫泣出喜
忘

甲乙經銅人經皆云禁灸明堂乃云灸二七壯
亦甚不同矣要非大急不必灸

手陽明大腸經左右二十八穴



商陽二穴金也一名絕陽在手大指次指內側去爪甲
角如韭葉留三壯針一分留一呼 銅人經云手
陽明脉之所出也為井治胸中氣滿喘欬肢腫熱
病汗不出耳鳴耳聾寒熱瘧瘧口乾頤頷胠齒痛
惡寒肩背急相引缺盆痛目青盲可灸三壯右取
左左取右如頃食立已西方子云及主胸脇柱滿
二間二穴水也一名間谷在手大指次指本節前內側
陷中針三分灸三壯 銅人經云手陽明脉之所

流也為榮治喉痺頷腫肩背痛振寒鼻衄衄血多
驚口喎眼斜 又云主多卧喜睡肩髃痛喉痺咽
如綆物傷忽振寒及傷寒熱

三間二穴木也一名少谷在手大指次指本節後內側
陷中針三分留三呼灸三壯 銅人經云陽明脉
之所注也為臚主喉痺咽如鯁多齒齲痛喜睡胸
滿腹鳴唇焦口乾身熱喘息目背急痛

西方子云主目上挿頭熱鼻衄衄血吐舌戾頸喜

驚氣熱瘧病

合谷二穴一名虎口在手大指次指歧骨間陷中

明堂云手

大指兩骨罅間宛宛中

針三分留三呼灸三壯今附若婦人

妊娠不可刺刺之損胎氣

在手大指兩骨間

明堂經云

主痲瘧寒熱熱病汗不出目不明生白翳肌膚痲
疥偏身風疹 銅人經云手陽明脉之所過也為
原療鼻衄衄頭痛齒齲喉痺痿臂面腫唇吻不收
瘖不能言口噤不開 西方子云主風頭熱鼻清

涕出

陽谿二穴火也一名中鬼在腕中上側兩筋間陷中針
三分留七呼灸三壯銅人經云手陽明脉之所行
也為經治狂言喜笑見鬼熱病煩心目風赤爛有
翳厥逆頭痛胸滿不得息寒熱瘧疾喉痺耳鳴齒
痛驚掣肘臂不舉痂疥可灸三壯慎如前法 西
方子明堂經云主目痛耳痛鳴聾咽如鯁吐舌戾
頸妄言心悶而汗不出掌中熱心痛身熱漫淫煩

滿及生舌本痛

溫溜二穴一名逆一名池頭在腕後大士三寸小士六寸針三分灸三壯 明堂經云在腕後五寸六寸間脉中是穴主寒熱頭痛善噦衄肩不舉癰癰病吐舌鼓頷狂言及喉痺不能言 銅人經云一名

蜺頭在腕後大五寸小上六寸手陽明治口喎腸鳴腹痛傷寒身熱頭痛噦逆肩不得舉癰疾吐涎狂言見鬼喉痺面虛腫 西方子云在腕後小士

五寸大士六寸主狂仆主瘡面赤腫

下廉二穴在輔骨下去上廉一寸輔兕肉其分外斜針
五分留二呼灸三壯 銅人經云治頭風臂肘痛
溺黃鍼入五分留五呼西方子云主腸鳴相追逐
灸五壯資生經云此有下廉足陽明亦有下廉蓋
在足者及下巨虛也

上廉二穴在三里下一寸其分獨抵陽明之會外針灸
五分灸五壯銅人經云治腦風頭痛小便難黃赤

腸鳴氣走疰痛此有上廉足陽明亦有上廉蓋在足者及上巨虛也

三里二穴在曲池下三寸

手陽明穴云二寸

按之肉起兌肉之

端灸三壯針二分明堂經云一名手三里在曲池下二寸主肘臂痠重屈伸難秦承祖云主五勞虛乏四肢羸瘦銅人經云治手臂不仁肘攣不伸齒痛頰頷腫療癰資生經云三里有二有手三里有足三里此手三里也故明堂云一名手三里是

也銅人云三里在曲池下三寸明堂乃云二寸在
手陽明穴亦云二寸恐銅人本誤二字作三字也
偏厯二穴手陽明絡在腕徒三寸別徒太陰針二分留
三呼灸三壯明堂下經云五壯 銅人經云治寒
熱瘡風汗不出目視眈眈癰疾多言耳鳴口喎齒
齟喉痺嗑乾鼻衄血鍼入三分 明堂經云在
腕後三寸陷者中灸五壯主瘡久不愈手不及頭
臂膊肘腕痠痛難屈伸

曲池二穴土也在肘外輔骨屈肘兩骨中以手拱胸取之針七分得氣先瀉後補之灸大良可三壯明堂

云曲池本也在肘外輔骨曲肘橫文頭陷中

一云宛宛

中曰灸七壯至二百壯且停十餘日更下火至二

百壯罷忌同下經云在寸外輔屈肘曲骨中紋頭素問註肘外輔肘兩骨中千金云肘外曲頭陷明堂經云主肘中痛屈伸難手不得舉偏風半身不遂捉物不得挽弓不開肘臂扁細秦承祖明堂云

主大人小兒徧身風癩皮膚痂疥也 銅人經云
手陽明脉之所入也為合治喉痺不能言胸中短
滿筋緩刺風癰疹痛及傷寒餘熱不盡皮膚乾燥
又云灸亦良但令斷風抽氣而已 西方子云
肘寒臂胛細而無力及耳痛手不可舉重腕急肘
節痺痠重腋急痛腕外側痛腕如拔肩重痛不舉
身濕搖明時寒瘕癰癩疾寒熱渴

肘髁二穴在肘大骨外廉陷中灸三壯針三分 明堂

經云一作肘聊主肘臂痠重麻痺不仁灸五壯

銅人經云主肘節風痺臂痛不可舉屈伸攣急灸

三壯 西方子云灸三壯

五里二穴在肘上三寸行向裏大脉中央灸十壯禁鍼

素問氣穴論云大禁二十五在天府下五寸註云

謂五里穴也謂之大禁者禁不可刺也又曰五里

者尺澤之後五里與此文同 銅人經云治風勞


驚恐吐血肘臂痛嗜卧四肢不得動搖寒熱瘰癧

欬嗽目視眈眈痰癰心下脹滿面痛上氣 資生
經云五里有二其一在足厥陰肝經部與此穴為
二此當為手五里也素問所謂在天府下者指此
五里也註云天澤之後五里指亦指此五里也尺
澤穴在手太陰是也

臂臑二穴在肘上七寸脰肉端手陽明絡灸三壯針三
分 明堂云在肩髃下一寸兩肋間兩骨罅陷宛宛
中平手取之不得挈手冷急其穴即閉宜灸不宜

針日七壯至百壯若針不得過三過五多恐惡忌
同千金名頭衝膠肩在肩部銅人經云治寒熱頸項
拘急癰癰肩背痛不得舉又云療勞瘵臂細無
力手不得向頭

手少陰心經左右十八穴



少衝二穴木也一名經始在小指內臚端

明下作則

去爪角

如韭葉針一分灸三壯明堂云灸一壯

又云灸

三壯主心煩上氣卒心痛悲恐畏人易驚喜言手

拳不得伸掌中熱痛也秦承祖明堂云臚主驚癇

吐舌沫出也十金楊女操同銅人經云手少陰

脉之所出也為井治熱病煩滿痰冷少氣胃中痛

口中熱咽中酸乍熱手攣不伸掌痛引肘腋痛

西方子云主熱病心悶而汗不出及主身熱如火

浸淫煩滿舌本痛咽酸太息

少府二穴火也在手小指本節後陷中直勞宮

勞宮在手厥中

灸二分灸七壯明堂云三壯 銅人經云手少陰

脉之所流也為榮治煩滿少氣悲恐畏人臂痠掌

中熱肘腋攣急胷中痛手拳不得伸 西方子云

在手小指大節後陷中有氣如息肉狀主小便不

利便癰主數噫恐悸氣不足主陰痛實時挺長寒

熱陰暴痛遺尿偏虛則暴癢氣逆 明堂云主痲

瘧灸不愈

神門二穴土也一名兌衝在掌後兌骨端陷中灸七壯
炷如小麥針三分留七呼 銅人經云手少陰脉

之所主也為膺治瘧心煩甚欲得飲冷惡寒則欲
處溫咽乾不嗜食心痛數噫恐悸少氣不足臂寒
喘逆身熱狂悲哭嘔血上氣遺溺大人小兒五癇

西方子云笑若狂手掣手掣主喉痺

陰郄二穴在掌後脉中去腕五分針三分灸七壯 銅

人經云治失瘖不能言洒淅振寒厥逆心痛霍亂
胃中滿衄血驚恐 西方子云在掌後動脈中主
氣驚

通里二穴在腕後一寸陷中針三分灸三壯 明堂云
灸七壯主頭目眩頭痛悲恐畏人肘腕痠重及暴病
不能言語 銅人經云主熱病卒中懊懣數欠
頻伸悲恐目眩頭痛面赤而無心悸肘臂膈痛實
則皮腫虛則不能言苦嘔喉痺少氣遺溺 西方

子云主熱病先不樂數目煩心

靈道二穴金也去掌後一寸半或一寸灸三壯針三分
銅人經云手少陰脉之所行也為經治心痛悲
恐相引瘕癥肘攣柱滿暴瘡不能言

少海二穴水也一名曲節在肘內廉節後又云肘內大
骨外去肘端五分屈肘得之針三分灸三壯甄權
云出手向頭取之治齒寒腦風頭痛不宜灸針五
分明堂云在肘內橫紋頭屈手向頭取之陷者

宛宛中 甲乙經云穴在肘內廉節後陷中動應
手針二分留三呼瀉五吸不宜灸下經云灸五壯
素註云五壯 銅人經云手少陰脉之所入也為
合治寒熱齒齲痛目眩發狂嘔吐涎沫項不得回
顧肘攣腋脇下痛四肢不得舉 又云療腋下癰
癰痺痛屈伸不得風痺疼症病 西方子云主頭
痛汗出寒熱不惡寒及主肩臂不舉不能帶衣項
強急痛不可以顧主氣逆呼吸噫噦嘔羊癲疾羊

癰吐舌沫出羊鳴戾頸主手臂攣主瘡振寒項痛
引腋肘痛引少腹中及目黃脇痛 銅人經云灸
三壯明堂下經素問註皆云灸五壯上經甄權皆
三不宜灸亦可疑矣非大急亦不必灸

青靈二穴在肘上三寸伸肘舉臂取之灸七壯 明堂
下經云灸三壯 銅人經云治肩臂不舉不臂帶
衣頭痛振寒目脇痛

極泉二穴在腋下筋間動脈入臂灸七壯針三分銅人

經云治心痛乾嘔四肢不收咽乾煩渴臂肘厥寒
目黃脇滿痛

手太陽小腸經左右十六穴



少澤二穴金也一名小吉在手小指端外側去爪甲下一分陷中灸二壯針一分 銅人經云一名少吉手太陽脉之所出為井也主瘧寒熱汗不出喉痺舌強口乾心煩臂痛癰癧頭痛咳嗽頸項急不可顧目生膚翳覆瞳子 西方子云主口熱口乾咽中乾口中熱唾如膠主振寒小指不仁

前谷二穴水也在手小指外側本節前陷中針一分灸一壯明堂云灸三壯 銅人經云手太陽脉之所

流也為勞治熱病汗不出痰癰疾耳鳴頷腫喉痺
欬嗽衄血頸項痛鼻塞不利目中白翳臂不得舉
又云主目眩淫溜轉甲小指痛 西方子云主
目泣出急痛吸咽偏腫不可以咽臂重痛肘攣痰
瘡執目上插便小赤

後谿二穴木也在手小指外側本節後陷中灸一壯針
一分 明堂經云在手外側腕前起骨下陷中灸
三壯主痰瘡寒熱目生白翳肘臂腕重難屈伸五

指盡痛不可掣 銅人經云手太陽脉之所注也
為癰治目赤鼻衄耳聾胸滿頸項強不得回顧癰
疾肘臂攣急 西方子云主目淚出背爛有翳耳
鳴鼻塞喘息不通有膈痛臂肘攣急風身寒泣出
而驚熱病不出汗身熱惡寒

腕骨二穴在手外側腕起骨下陷中灸三壯針二分留
三呼銅人經云手太陽脉之所過也為原治熱病
汗不出脇下痛不得息頸頷腫寒熱耳鳴目冷淚

生翳狂陽偏枯臂肘不得屈伸痲瘧頭痛煩悶驚
風瘕癰五指掣不可屈伸 西方子云主頸項痛
不可顧目泣出頷痛引耳嘈嘈無所聞肘節痺臂
痲重腋急臂腕急外側痛如脫煩滿狂言臂肩疼
痛乍寒乍熱

陽谷三穴火也在手外側腕兌

素問作銳

骨下陷中灸二壯

針二分留二呼 銅人經云手太陽脉之所行為
經也主癰疾狂走熱病汗不出脇痛頸頷腫寒熱

耳聾鳴上下牙齒

齒

痛臂腕外側痛不舉肩頸妄

吐舌不得左右顧俛仰瘳瘳頭目眩痛 西方子

云主項強急痛目赤頷痛引耳嘈嘈無所聞自嚙
唇肘痛時寒熱病振慄鼓腹頷滿陰痿色不變乍
寒乍熱瘡主笑苦狂痔痛腋下腫

養老二穴在手踝骨上空一寸陷中灸三壯針三分

銅人經云手太陽郄主肩欲折臂如折手臂痛不
能自上下目視不明

支正二穴在腕後五寸別走少陰灸三壯針三分 明

堂云在手太陽腕後五寸去養老穴四寸陷中灸

五壯主驚恐悲愁肘臂攣難屈伸不握十指盡痛

也秦承祖云兼治五勞四肢力弱虛乏等病 銅

人經云治寒熱頷腫肘攣頭痛目眩風虛驚恐狂


揚生眊目 西方子云主頸腫項痛不可顧狂言

熱病先腰脛痠喜渴數飲食身熱項痛而振寒熱

少海二穴土也在肘內大骨外去肘端五分陷中甄權

云屈手向頭取之灸三壯針二分 銅人經云手
太陽脉之所入為合治寒熱齩齒斷腫風眩頸項
痛瘍腫振寒肘腋腫少腹痛四肢不舉 西方子
云灸五壯主項強急痛不可以顧癰發瘰癧狂走
不得卧心中煩癰疾羊癇吐舌羊鳴戾頸瘧背振
寒及風瘧頭痛寒熱汗不出惡寒

手厥陰心包絡左右十六穴



中衝二穴木也在手中指端去爪甲如韭葉陷中針

明堂云灸一壯主熱病煩心心悶而汗不出身熱
如火頭痛如破煩滿舌本痛秦承祖云兼主神氣
不足失志也 銅人經云手厥陰心主脉之所出
也為井 西方子云主肘痛掌中心熱心痛浸淫
勞宮二穴火也一名五里在掌中央橫紋動脉中屈無
名指着處是灸三壯 明堂經云針二分得氣即
瀉只一度針過兩度令人虛不得灸灸令生息肉

月加忌同素注云灸三壯

一名掌中

銅人經云手厥陰

脉之所流也為榮治中風善怒悲快不休手痺熱
病三日汗不出休惕胃脇痛不可轉側大小便血
衄不止氣逆嘔噦煩渴食飲不下大小人口中腥
臭胸脇支滿黃疸目黃 又云主手掌後癰痺手
痺白屑起 西方子云主喉噎痛主嘔吐主風熱
心中悲喜思慕歔喜笑不止及口中爛掌熱主
熱痔欬逆溺血 資生經云趙岐釋孟子云無名

之指手第四指也今日屈無名指著處是穴蓋屈

第四指也

無名指當屈中指為是
今說屈第四指非也

大陵二穴土也在掌後兩筋間陷中針五分灸五壯

銅人經云手厥陰脉之所注也為腧治熱病汗不
出臂攣腋腫善笑不休心懸若飢喜悲泣驚恐目
赤小便如血嘔逆狂言不樂喉痺口乾身熱頭痛
短氣胸脇痛西方子云主心痛欬逆寒熱發手掣
手攣及主風熱善怒心中悲喜思慕欬喜笑不

止主心下詹詹主掌中熱身如火浸淫煩滿舌本
痛主癰乍寒乍熱主欬喘主嘔血主胸中痛主痼
疥

內關二穴在掌後去腕二寸別走少陽針五分灸三壯
西方子云主面赤熱青眊眊昏夜無所見主赤
支滿中風肘攣實心暴痛虛則心煩惕惕

門使一穴金也在掌後三寸兩筋間陷中針三分灸五

壯 明堂經云七壯

千金云腕後三寸
或云掌後陷中

又云主卒

狂驚悸臂中腫痛屈伸難歧伯云主鬼神邪也

銅人經云手厥陰脉之所行也為經治心懸如飢
卒狂胸中詹詹惡風寒嘔吐怵惕寒中少氣掌中
熱腋腫肘攣卒心痛多驚瘡不得語咽中如鯁

西方子云灸七壯主心胸痺背相引主噎中如振
主肘內廉痛主熱病煩心喜噦喜動為熱

郄門二穴去腕五寸手厥陰郄針三分灸五壯 銅人

經云治心痛衄血嘔噦驚恐畏人神氣不足及嘔

血 西方子云在掌後去腕五寸

曲澤二穴水也在肘內廉陷中屈肘取之灸三壯針三

分留七呼 素問云主內廉下 銅人經云厥陰

心主脉之所入也為合治心痛善驚身熱煩渴口

乾氣逆嘔血風膠臂肘手腕善動搖 又云主心


下詹詹時瘕癰喜搖頭顏青汗不出不過肩傷寒

病溫溫身熱 西方子云主嘔逆或血掣手不可

伸

天泉二穴一名天濕在曲腋下二寸舉臂取針六分灸
三壯 銅人經云治心病胸脇支滿欬膺背胛間
臂內廉痛

手少陽三焦經左右二十四穴



關衝二穴金也在手小指次指端去爪甲角如韭葉針

一分灸一壯忌同素問註云三壯

一云屈
拳取之

銅人經

云手少陽脉之所出也為井治喉痺舌卷口乾頭
痛霍亂胸中氣噎不嗜食臂肘痛不可舉目生翳
膜視物不明慎猪魚酒麪生冷之物 西方子云

在手小指端主風眩心煩臂外廉痛手不及頭左
取左右取右主肘疼不能自帶衣主肩臂痠重面
黑渴風熱病煩心心悶而汗不出掌中熱心痛身

熱如火浸淫煩滿舌本痛寒熱悽素氣上不得卧
霍亂肩中熱頭不可以顧

液門二穴水也在手小指次指間陷中針二分灸三壯

一云屈
拳取之

明堂經云生肘痛不能行上下瘡瘧寒熱

目澁眦痛泣出也

一作
腋門

銅人經云手少陽脉之

流也為榮治驚悸妄言咽外腫寒厥手臂痛不能

自上下瘡瘧寒熱目眩頭痛暴得耳聾目赤澁齒

齲痛西方子云主呼吸短氣咽如息肉狀面赤熱

病先不樂面熱無汗風寒熱耳痛鳴聾

中渚二穴木也在手小指次指本節後間陷中針三分
灸三壯明堂經云灸二壯主目眵眵無所見肘臂
痠痛手五指不屈盡痛也 銅人經云手少陽脉
之所注也為脗治熱病不出目眩頭痛耳聾目生
翳膜久瘧咽腫 西方子云主頭目重額顙熱痛
面赤目不明惡風寒噤痛寒熱耳痛嘈嘈手五指
不得屈伸

陽池二穴一名別陽在手表腕上陷中針二分留三呼
不可灸忌同素問註云灸三壯 銅人經云手少
陽脉之所過為原治寒熱瘧或因折傷手腕提拘
不得肩臂痛不得舉慎生冷物等 西方子云主
熱病汗不出

外關二穴正少陽絡在腕後二寸陷中針三分留七呼
灸二壯明堂經云三壯又云在腕後二寸陷中者
宛宛中主肘腕痠重屈伸難手十指盡痛不得屈

無主耳淳淳渾渾聾聾無所聞也 銅人經云手少

陽絡西方子云主臂痿不仁臂不及頭

支溝二穴火也在腕後三寸兩骨間陷中針二分灸七

壯忌同 明堂經云五壯素問註云三壯 千金

云腕後臂外三寸 明堂經云主熱病汗不出肩

背痠重脇腋急痛四肢不舉口噤不開暴哂不能

言也 銅人經云手少陽脉之所行也為經治霍

亂嘔吐慎酒麪生冷猪魚物 西方子云主心痛

如錐刺甚者手足寒至節不息者死主灸面赤而
熱肘節痺腋熱馬刀腫痿主漏主痂疥女人脊急
目赤嗑痛

會宗二穴在腕後三寸空中一寸針三分灸三壯 銅
人經云治肌膚痛耳聾風癰 西方子云主耳渾
渾渾渾渾聾無所聞

三陽絡二穴在臂上大交脉

明云肘前五寸卧廉陷中

支溝上一寸

禁針灸七壯明堂經云五壯 銅人經云治嗜卧

身體不欲動搖耳卒聾齒齲暴病不能言

天井二穴土也在肘外大骨後肘上

明堂作後

一寸兩筋間

屈肘取之甄權云曲肘後一寸叉手按膝頭取之

兩筋骨罅針三分灸三壯忌同

明云五壯素問

註刺一寸 千金云肘後兩筋間

明堂經云主

肘痛引肩不可屈伸頸項及肩背痛臂痿不仁驚

悸悲傷癰病羊鳴吐舌也

銅人經云手少陽脉

之所入也為合治心胃痛欬嗽上氣唾膿不嗜食


驚悸瘕癥風痺臂肘痛捉物不得慎如常法 西
方子云主大風默默不知所痛悲傷不樂悲愁恍
惚瘧食時發心痛主癰笑驚掣羊癇戾頸肩肉麻
木

四竇二穴在肘前五寸外廉陷中灸三壯針六分留七
呼 銅人經云治暴氣耳聾齒齲痛 西方子云
主呼吸短氣咽中如息肉狀

清冷淵二穴在肘上二寸伸肘舉臂取之灸三壯針三

分 西方子云一名清冷泉在肘後三寸又名清
靈主孺從肩不舉不能帶衣頭痛振寒目黃脇痛
消樂二穴在肩下臂外腋斜肘分下行針一分灸二壯
明堂云在肩下外關腋斜肘分下行六分灸三
壯素問註云肩下臂外關腋銅人經云治寒熱風
痺項痛肩急 西方子云主頭痛項如拔不可左
右顧頸有大氣

足厥陰肝經左右二十二穴



大敦二穴木也在足大指端去爪甲如韭葉及三毛中
灸三壯針三分留六呼千金云足大指聚毛中銅
人經云足厥陰脉之所出也為井治卒疝小便數
遺溺陰頭中痛心痛汗出陰跳上入腹陰偏大腹
臍中痛悒悒不樂病左取右右取左腹腫脹滿少
腹痛中熱不寐尸厥足壯如死及婦血崩不止西
方子云一名大訓主目不欲視大息五淋不得尿
噦噫

行間二穴火也在足大指間動脈應手陷中灸三壯針
六分留十呼銅人經云足厥陰脉之所流也為榮
治溺難又白濁寒疝少腹腫欬逆嘔血腰痛不可
俛仰腹中脹心痛面色蒼蒼如死狀終日不得息
口喎四肢逆冷噤乾煩渴暝不欲視目中淚出大
息癰疾短氣不開 西方子云主莖中痛胃背痛
心悲不樂數欠及主婦人月事不利見赤白而有
身反敗陰振寒澁白尿難痛

大衝二穴土也在足大指本節後二寸或一寸半陷中
令附凡診大衝脉可訣男子病死生針三分留十
呼吸灸三壯 明堂云在足大指本節後二寸骨罅
間陷中灸五壯素問註云在足十指間本節後二
寸動脉應手刺腰痛又云在大指本節後內間二
寸 明堂經云主卒疝小腹痛小便不利如淋狀
及月水不通 銅人經云足厥陰脉之所注也為
踰治腰引少腹痛腫癰疝瘡溲遺溺陰痛面目蒼

色胸脇支滿足寒大便秘嘔血女子漏血不止小
兒卒疝嘔逆發寒噤乾肘腫內躁前痛淫樂筋痠
腋下腫馬刀瘍瘻唇痛 西方子云主善渴喉中
鳴不得尿陰上痛溏泄泄血面陳黑

中封二穴金也在足踝前一寸仰足取之陷中伸足乃
得之針四分留七呼灸三壯素問註云內踝前一
寸半甲乙經云一寸又云內踝前一寸斜行小脉
上一名懸泉 銅人經云足厥陰脉之所在為經

治欬癰色蒼蒼振寒少腹腫食快快繞臍痛足逆
冷不嗜食身體不仁寒疝相引腰中痛或身微熱
西方子云主小腹痛振寒溲白尿難痛嗑乾善
渴身黃有微熱少氣身重濕內踝前痛膝腫瘕厥
身體不仁癰疝瘰暴痛癰痛咽偏腫不可以咽

蠱溝二穴在足內踝上五寸別走少陽針二分留三呼

灸三壯

又云交儀在內踝上五寸陷中恐即蠱溝
穴但別出蠱溝故不同曉蠱溝亦名交儀

銅人經云足厥陰絡治足疝少腹腫時少腹暴痛

小便不利如癰閉數噫恐悸少氣不足腹中痛悵悵不樂咽中悶如有瘰肉狀背拘急不可俛仰

西方子云主女子赤白淫下時少腹暴刺痛明堂云治卒疝小腹痛及婦人漏下赤白月水不調臍下即氣如卵右足寒頸痠屈伸難也又云灸七壯

中都二穴一名中都內踝上七寸胛骨中與少陰相直針三分灸五壯銅人經云治腸癖瘕疝少腹

痛婦人崩中因產惡露不絕 西方子云治足下

熱脛寒不能久立濕痺不能行

膝關二穴在犢鼻下二寸陷中針四分灸五壯

犢鼻在足陽明

治風痺膝內痛引臑不可屈伸咽中痛

銅人經

曲泉二穴水也在膝內輔骨下大筋上小筋下陷中屈

膝取之又云正膝屈內外兩筋間宛宛中又在膝

曲橫紋頭針六分灸三壯 銅人經云足厥陰脉

之所入也為合治女子血瘕按之如湯浸股內少

腹腫陰挺出丈夫癰疽陰股痛小便難腹脇支滿
癰閉少氣洩利四肢不舉實即身熱目眩痛汗不
出目眦眦膝痛筋攣不可屈伸發狂衄血喘呼少
腹痛引喉咽及治風勞精神體極痛洩水下痢膿
血陰腫骭鍼入六分留十呼

陰包二穴在膝上四寸股內廉兩筋間足厥陰走治要
尻引少腹遺溺不禁鍼六分灸三壯 明堂云七
壯主腰痛連小腹腫小便不利月水不調

五里二穴在氣衝下三寸陰股內動脈灸五壯針六分

治腸中滿熱閉不得溺

氣衝在腹部第三行陰廉穴氣衝同

西方子


云主嗜卧四肢不得動搖

陰廉二穴在陽矢下去氣衝二寸動脈中灸三壯針八

分留七呼 銅人經云治婦人絕產若未經生產

者灸即有子

足少陽膽經左右三十穴



竅陰二穴金也在足小指次指端去爪甲如韭葉灸三壯針一分 銅人經云足少陽脉之所出也為井治脇痛欬逆不得息手足煩熱汗不出轉筋癰疽頭痛心煩喉痺舌強口乾肘不可舉卒聾不聞人語王氏竅陰有二其一在此其一則在頭部此當為足竅陰也

俠谿二穴水也在足小指次指岐骨間本節前陷中灸三壯針三分 明堂云臨泣去俠谿一寸半 銅

人經云足少陽脉之所流也為榮治胃脇支滿寒
熱汗不出外背赤目眩煩額腫耳聾胃中痛不可
轉側痛無常處 西方子云主目系急目上插背
痛逆寒泣出目癢頷痛引耳嘈嘈無所聞瘧足痛
腋腫馬刀癰婦人小腹堅痛月水不通乳腫潰
胃中寒如風狀頭眩兩頰痛 明堂經云主耳鳴
聾耳

地五會二穴在足小指次指本節後陷中去俠谿一寸

針一分不可灸灸使人羸瘦不出三年卒 銅人

經云治傷肉唾血足外膚不澤乳腫針三分

臨泣二穴木也在足小指次指本節後間陷中去俠谿

一寸半灸三壯針二分 明堂經云主胃膈滿悶

腋腫善自啮頰并瘡病日四發者 銅人經云

足少陽脉之所注也為膺治胸中滿缺盆中及腋

下腫馬刀瘍癰天牖中腫淫樂骭痠目眩枕骨合

顱痛洒淅振寒婦人月事不利季脇支滿乳癰心

痛周痺痛無常處厥逆氣喘不能行 西方子云
主枕骨頷厭懸足痛大風目痛髀中痛不得行足
外使痛身痺洒淅振寒及小兒驚癇反視王氏云
偃伏第三行既有臨泣穴蓋足以此亦有臨泣穴
蓋足臨泣也

邱墟二穴在外踝下如前陷中去臨泣寸許灸三壯針
五分留七呼銅人經云足少陽脉之所過也為原
治胸脇滿痛不得息久瘧振寒腋下腫痿厥坐不

能起髀樞中痛目生翳膜腿骭痠轉筋卒疝少腹
堅寒熱頸腫 西方子云主瘧振寒腕不收目不
明明胸脇痛善太息胸滿膨膨然足脛偏細

懸鍾二穴在足外踝上三寸動脈中一名宛宛中針六

分留七呼吸五壯千金云一名絕骨

外踝上三寸
又云四寸

明堂經云主心腹脹滿胃中熱不嗜食膝脛連經
痛筋攣急足收履坐不能起 銅人經云足三陽
之大絡按之陽明脈絕乃取之 西方子云主五

淋濕痺流腫筋急痠癢脛痛小兒腹滿不能食飲
四肢不舉風勞身重 明堂經云主腹滿中焦客
熱不嗜食并腿膝連脛痺麻屈伸難也

陽輔二穴火也在足外踝上四寸輔骨前絕骨端如前
三分去邱墟七寸灸三壯針五分留七呼千金云
外踝上輔骨前 銅人經云足少陽脉之所行也
為經治腰溶溶如坐水中膝下膚腫筋攣諸節盡
痛痛無常處腋下腫癭馬刀喉痺膝胛痠風痺不

仁西方子云主腰痛不可以顧腰痛如錘居中痛不可以欬則筋縮急諸節寒熱脇痛

光明二穴在足踝上五陷中針六分留七呼灸五壯

明堂下經云七壯治骭疼不能久立舉陽輔療病同又云在膝脛痠痺不仁手足偏小坐不能也

銅人經云別走厥陰足少陽絡治身解寒淫樂及熱病汗不出卒狂虛則痠痺坐不起實則足骭熱膝痛身體不仁善嚙頰西方子云主脛痠不

能久立腹足清寒熱膝痛脛熱不能行手足偏小
外邱二穴在足外踝上七寸針三分灸三壯 銅人經
云少陽所生治膚痛癢痺胸脇脹滿頸項痛悲風
寒癰疾今附獒犬所傷毒不止發寒熱速以三姓
人可灸所嚙之處立愈

陽交二穴一名別陽在外踝上七寸斜屬三陽分肉之
間灸三壯針六分留七呼 千金云一名足窻在
外踝上七寸 一云三寸 銅人經云陽維郄治寒厥驚狂

喉痺胃滿面腫寒痺膝骭不收寒熱

陽陵泉二穴土也在膝下一寸外廉陷中針六分得氣
即瀉又宜灸留針灸七壯至七七壯即止明堂下
經云一壯素問註云三壯 千金云膝下外尖骨
前難疏脛骨中微側少許筋會陽陵泉筋病治此
銅人經云足少陽脉之所出也為合治膝伸不得
屈冷痺脚不仁偏風半身不遂脚冷無血色又以
蹲坐取之灸亦良可灸七壯至七七壯即止 西

方子云在外踝上七寸主頭痛寒熱口苦噤中介
介頭面腫脅脇柱心中怵惕驚恐人將捕明堂
經云主膝腹內外廉痛不仁屈伸難及喉中鳴

陽關二穴在陽陵泉上三寸犢鼻外陷中針五分不可

灸千金云陽關

一云陽陵

銅人經云治膝外痛不可屈

伸風痺不仁

中瀆二穴在髀骨外膝上五寸分肉間陷中灸五壯針
五分留七呼銅人經云足少陽絡治寒氣入於分

肉之間痛攻上下筋痺不仁西方子云不可灸

環跳二穴髀樞中側卧伸下足屈上足取之灸五十壯

針一寸留十呼忌同明堂下經云在硯子骨宛宛

中灸三壯甲乙經云五壯 明堂經主冷痺風濕

偏風半身不遂腰膝疼痛不得轉側岐伯云睡卧

伸縮回轉不得也 西方子云治風濕痺風疹及

胸脇疼無常處腰脇相引急痛髀樞中痛不可屈


伸脛痺不仁髀不仁 銅人經云忌熱麪猪魚生

冷物等

風市二穴在膝外兩筋間立舒下兩手着腿當中指頭陷中療冷痺脚脛麻腿膝痠痛腰尻重起坐難

明堂經云陷者宛宛中灸三壯王氏云予冬月當風市處多冷痺急擦熱手溫之畧止日或兩三痺偶謬刺溫針遂愈信乎能治冷痺也亦癰灸此不特治冷痺亦治風之腰穴銅人乃不載一名或不同將其本不全耶

足太陰脾經左右二十二穴



隱白二穴水也在足大指端內側去爪甲角如韭葉宛
宛中針三分今附婦人月事過時不止刺立愈明
堂云針一分留三呼吸三壯 銅人經云是太陰
脉之所出也為井治腹脹喘滿不得安卧隔中嘔
血食不下暴洩飢止足寒不能溫又云治腹中脹
逆氣滿胸中熱身體疼痛 西方子云主腹痛及
腹中寒冷氣主飲渴主蹇中寒熱主卒尸厥不知
人脉動如故及胸中痛

太都二穴火也在足大指本節後陷中灸三壯針三分

千金註云本節內側白肉際 明堂經云主熱

汗不出手足逆冷腹滿善嘔目眩煩心四肢腫病

銅人經云足太陰脉之所流為榮治熱悶吐逆

西方子云主目眩暴泄心痛腹脹熱病汗不足

清厥逆霍亂目上挿

太白二穴土也在足內側核骨下陷中灸三壯針三分

千金云足大內側 銅人經云足太陰脉之所注

也為膈治身熱煩滿腹脹食不化氣脹腹鳴嘔吐
洩有膿血腰痛大便難氣逆霍亂腹中切痛 西
方子云主頭痛寒熱汗出不惡寒胸脇脹衄痛腰
痛不可俛仰熱病頭重煩悶身熱

公孫二穴在足大指本節後二寸灸三壯針四分 銅
人經云別走陽明太陰絡治寒瘧不嗜食卒面腫
煩心狂言腹虛脹如鼓西方子云主頭面腫腹內
氣太滿

商邱二穴金也在足內踝下微前陷中灸三壯針三分
銅人經云足太陰脉之所行也為經治腹中腸
中鳴不便脾虛冷人所樂身寒善太息心悲氣逆
痔疾骨疽蝕絕子厭鬼夢西方子云主心下有寒
痺疼脾熱脾虛腹脹滿不得息善嘔心煩滿骨痺
癰疾癰病寒瘧腹中痛痰癰主痔血泄後重陰股
內痛氣癰狐疝走上下引小腹痛不可俛仰小腹
堅痛下引陰中

三陰交二穴在內踝上三寸骨下陷中明堂云內踝上八寸陷中千金方云內踝上八寸骨下灸三壯針三分銅人經云足太陰厥陰之交會治瘕癖腹中寒膝股內痛氣逆小便不利脾病身重四肢不舉腹脹腸鳴溏洩食不化女子漏下不止西方

子云主膝內廉痛痿不能行 資生經云昔宋太

子善醫術出苑逢一妊婦太子診曰女令徐文伯診曰一男一女針之瀉三陰交合谷應針而沒沒

果如文伯言故妊娠不可刺

漏谷二穴一名太陰絡在內踝上六寸骨下陷中針三分明堂云灸三壯又云在足外踝上六寸陷者主足熱痛腿冷疼不能久立也銅人經云治瘰癧冷氣心腹脹滿食飲不為肌膚濕痺西方子云主腸鳴強欠心悲氣逆腹臍滿急小便不利失精久濕痺不能行麻痺不仁

地機二穴亦名脾寒足太陰郄別走上一寸空在膝下

五寸灸三壯針三分明堂云膝內側轉骨下陷中伸足取之主腰疼不可俛仰足痺痛屈伸難也

銅人經云治女子血瘕按之如湯沃股內至太背痛丈夫瘡洩腹脇氣脹水腫腹堅不嗜食小便不利西方子云治瘕瘕腹中痛臟痺癰疽精不足


陰陵泉二穴水也在膝下內側輔骨下陷中伸足取之針五分當曲膝取之銅人經云足太陰脉之所入也為合治腹中寒不嗜食膈下滿水脹腹堅喘

逆不得卧腰痛不得俛仰霍亂疝瘕小便不利氣
閉淋寒熱不節 西方子云灸三壯主心下滿寒
中脇下滿腹中盛足痛失禁遺尿胸中熱暴泄脹
滿不得息腎病氣癰尿管黃婦人疝瘕按之如以湯
沃股膝飡飡陰痛小腹堅急重下濕不嗜食腰痛
血海二穴在膝臑上內廉白肉際二寸中一作一寸灸
二壯針五分千金云白肉際二寸半注云一作三
寸 銅人經云治女子漏下惡血月事不調逆氣

腹脹 西方子云灸五壯主漏下苦血閉不通月水
不調

箕門二穴在魚腹上越筋間動脈應手在陰股內一云
股上起筋間灸三壯 銅人經云治淋遺溺鼠鼷
腫痛小便不通 西方子云主陰跳

足陽明胃經左右三十二穴



厲兌二穴金也在足大指次指端去爪甲如韭葉針一分灸一壯 明堂經云主尸厥如死不知人多睡善驚西方子云上腫也銅人經云足陽明脉之所出也為井治尸厥口禁氣絕狀如中惡心腹脹滿熱病汗不出寒熱瘧不嗜食面腫足骭塞喉痺齒齲惡風鼻不利 西方子云主鼻不利涕黃哽咽不得卧腰寒心痛脹滿不得息吐舌戾頸

內庭二穴水也在足大指次指外間陷中灸三壯針三

分銅人經云足陽明脈之所流也為榮治四肢
厥逆腹脹滿數欠惡聞人聲振寒咽中引痛噎
齒齟痛瘧不嗜食西方子云主厥逆僻禁腹脹
滿不得息喜頻伸數欠

陷谷二穴木也在足大指次指外間本節後陷中去內
庭二寸針三分留七呼吸灸三壯明堂云一名陷
骨主卒疝小腹痛頭面虛腫及瘡瘻發寒熱也

銅人經云足陽明脈之所注也為腧治面目浮腫

及水痛善咽腸鳴腹痛熱病汗不出振寒瘧疾

西方子云主胸脇支滿腹滿善噫癰腫

衝陽二穴在足跗上去陷谷三寸針五分灸三壯素

問注跗上五寸骨間動脈刺三分千金跗上五

寸骨間去陷谷三寸

一云二寸

銅人經云足陽明脈之

所過也為原治偏風口眼喎斜肘重齒齲痛發寒

熱腹堅大不嗜食振寒久狂登高而歌棄衣而走

足緩履不收西方子云穴在足跗上五寸骨間

去陷谷二寸主面浮腫足痿又主熱病汗不出振
寒而戰久先寒洗淅甚久而熱熱去汗去之瘧瘧
從足起腹大腹小

解谷二穴火也在衝陽後寸半腕上陷中明堂下經云
在繫鞋處針五分灸三壯 素問註在衝陽後二
寸半刺瘡註作三寸半二註不同當從甲乙經作
寸半 明堂經云主上氣喘欬歔息急腹中積氣
上不行及目生白翳也 銅人經云足陽明脉之

所行也為經治風面浮腫顏黑厥氣上衝腹脹大便不通瘕驚膝股骭腫轉盼目眩頭痛癰疾煩心悲泣霍亂頭風面目赤 西方子云治口齒痛肘痠轉筋濕痺腹大下腫風水面肘腫刺瘡口痛嚙舌

豐隆二穴在外踝上八寸下廉骭外兼陷中針三分灸三壯明堂下經云七壯 明堂經云主四肢不收身骭倦怠膝腿痠痺屈伸難銅人經云別走太陰

治厥逆胸痛如刺腹中切痛大小便難澁厥頭面
浮腫風逆四肢腫身熱喉痺不能言 西方子云
主頭痛寒熱汗出不惡寒大小便難澁不能食狂
妄言登高而歌棄衣而走厥逆手足青痛如刺煩
心狂見鬼好笑

下廉二穴一名下巨虛在上廉下二寸當舉足取穴針
八分灸三壯明堂云上廉下三寸兩筋兩骨罅陷
宛宛中蹲地坐取之針六分得氣即瀉甲乙云針

三分灸三壯主小腹氣不足面無顏色偏風熱風
冷痺不遂風濕痺灸亦良日七七壯不及針灸瘡
瘡冷痺則已 素問註云足陽明與小腸合在上
廉下三寸針三分 銅人經云治少腹痛飧洩次
指間痛唇乾涎出不覺不得汗出毛髮焦脫肉少
氣胃中熱不嗜飲食洩膿血胸脇腹痛暴驚狂言
非常女子乳癰喉痺胛腫足跗不收鍼入八分可
灸三壯 西方子云治寒濕下注小便難黃資

生經云手陽明亦有下廉此乃足下廉也

條口二穴在下廉上一寸舉足取之針五分又明堂云
在上廉下一寸針八分灸三壯 銅人經云治膝
骭寒疼痛足緩失履不收濕痺針五分又云陽明
脉氣所發主脛寒不得卧足下熱不能久立

上廉二穴一名上巨虛在三里下三寸當足取之灸三
壯針三分甄權云治臟氣不足偏風腰腿手足不
仁灸隨年為壯明堂云且虛上廉在三里下三寸

兩筋兩骨罅陷窅窅中針八分得氣即瀉灸大良
日七壯明堂下經云灸三壯素問註在三里下三
寸又云在膝犢鼻下髌外廉六寸明堂云三里穴
下二寸髌骨外大筋內筋骨之間主脚脛痠痛屈
伸難不能久立 銅人經云治飧洩腹脇肢滿走
挾臍腹痛食不化喘息不能行可灸三壯鍼入三
分又云足陽明與太陽氣不足偏風腰腿不隨脚
不得履地脚氣刺風痺風脚冷寒瘡灸之大良

西方子云主小便難黃風水膝腫 資生經云手

陽明亦有上廉此乃足上廉也

三里二穴土也在膝下三寸髌外廉兩筋間

一云髌外大筋內骨

中間一云陷者宛宛中

當舉足取之秦承祖云諸病皆治食

氣水氣毒瘰癧四肢腫滿膝髌痠痛目不明華佗

云療五勞羸瘦七腹虛之胸中瘀血乳癰大小人

熱皆調三里外臺明堂云人年三十已上若不灸

三里令氣上衝目所以三里下氣也

明

灸三壯針

五分 明堂云針腹背每須去三里穴針八分留

十呼瀉七吸日灸七壯上百壯 素問註刺一寸

在膝下三寸髌骨外廉兩筋肉分間

指云深則足扶陽脈覓集

云按之大衝脈不動

明堂云主臟腑久積冷氣心腹脹滿胃

氣不足聞食則腸鳴腹痛灸三壯 銅人經云足

陽明脈之所入也為合主胃寒腰滿堅見不能食

及胃胸脇積氣脚弱針八分灸亦良又云主胸

中氣不足 西方子云灸三壯主喉痺不能言脇

中暴逆不得息咳嗽多唾主肘痛時寒腰痛不可
以顧足痿失履不收足下熱不能久立瘡少氣腸
鳴腹痛胸腹中瘀血水腫腹脹陰氣不足小腹堅
熱病汗不出喜嘔口苦壯熱身反哲禁鼓頷腰痛
視而有所見喜悲上下永之口僻乳腫目不明久
瀉痢食不化脇下注滿膝痿寒熱中消谷不肌腹
熱身煩狂言癰狂歌妄笑恐怒大罵霍亂遺尿失
氣陽厥悽悽惡寒頭眩小便不利凡此等疾皆灸

之多至五百壯少至二三百壯 資生經云手有三里此亦曰三里蓋足三里也 銅人經云在膝下三寸明堂素問註背同人多不能求其穴每以拇指次指圈其膝蓋以中指住處為穴或以最小指住處為穴皆不得真穴所在也予按明堂有膝眼四穴蓋在膝頭骨下兩傍陷中也又按銅人等經有犢鼻穴蓋在膝臚下胛挾罅大筋中也又按銅人有膝關二穴蓋在犢鼻二寸陷中也素問註

巨虛上廉云三里在犢鼻下三寸則是犢鼻之下

三寸方是三里不可便從膝頭上去三寸為三里

穴也若如今人之取穴恐失之太高

千金云灸至五百壯少至

二百壯

犢鼻二穴在膝下胛俠解

明堂作犢

大筋中治膝中痛不仁

難跪起膝腫潰者不可治不潰者可療若犢鼻

堅硬勿便攻以洗熨即微刺之愈明堂云針三分

灸三壯 銅人經云治膝中疼痛不仁難跪起膝

臃腫潰者不可治不潰者可療若犢鼻堅硬勿
便攻先以洗熨即微刺之愈又云足陽明脉氣所
發主犢鼻腫洗熨去之其久堅勿攻攻者死 資
生經云按素問刺禁云刺膝臃出液為跛犢鼻在
臃下胛用針者不可輕也

梁邱二穴在膝上二寸

明堂云
二寸

兩筋間灸三壯針三分

明堂云五分

明堂作三寸

銅人千金皆作二

寸千金註胃或云三寸

銅人經云治犬驚脛痛

寒痺不能屈伸又云足陽明郄治脛膝痛 西方

子云灸三壯注筋攣不得屈伸不可以行

陰市二穴一名陰鼎在膝上三寸伏兔下陷中

又云宛
宛中

拜而取之針三分不可灸 明堂下經云灸三壯千

金注二十卷云在膝上當伏兔不行二寸臨膝取

之

又云膝內輔骨後大筋
下小筋上屈膝得之

明堂經云灸五壯主卒

疝小腹痛力痿氣少伏兔中寒腰如冷水 銅人

經云足陽明脉之所發主寒疝下至腰脚冷如冰

小腸諸疝按之在膝上伏兔下針入三分灸三壯
西方子云主腹中脹滿痿厥少氣腰痛不可以
顧主膝上伏兔中寒 資生經云銅人云不可灸
明堂乃云灸三壯豈以禁穴許灸一壯至三壯耶
伏兔二穴在膝上六寸起肉正跪坐取之一云膝蓋上
七寸針五分不可灸 明堂云婦人八部諸病通
針三分 銅人經云治勞氣逆膝冷不得溫針入
五分又云足陽明脈氣所發治風勞痺逆狂邪手

節攣縮身臃癰腹脹少氣婦人八部諸病 西方

子云不可灸

髀關二穴在膝上伏兔後交分中針六分 明堂云灸

三壯 銅人經云治膝寒不仁痿厥股肉筋絡急

不能屈伸又云針入三分 西方子云主黃疸

膝眼四穴在膝頭骨下兩筋傍陷中銅人云宛宛中主

膝冷疼痛不已針五分留三呼瀉五吸禁灸


有人膝腫

其人為灸此穴遂致不救蓋犯其所禁也

資生經云銅人無此四穴

明堂有知故附入如此

足少陰腎經左右二十六穴



湧泉二穴木也一名地衝在足心陷中屈足捲指宛宛
中灸三壯針五分無令出血淳于意云漢濟北王
阿母患足下熱喘滿謂曰熱厥也當刺足心刺足
心立愈 明堂經云灸不及針若灸廢行人動明
堂下經云在脚心底宛中白肉際灸三壯 素問
註刺三分千金注肝臟卷云在脚心大指下大筋
史記濟北王阿母足熱而滿淳于意曰血病熱厥
也刺足心各三所按之無出血病得飯已酒大醉
明堂經云主心痛不嗜食婦人無子欬嗽氣短喉

閉身熱胸脇滿悶頸痛目眩男子如蠱女人如孕
足掛盡疼不得踐地也銅人經云足少陰脉之所
出也為井治腰痛大便難風疹又云主小便不利
心中結熱脚底白肉際不得履地刺風脉風癰灸
亦得西方子云治足五指端痛引入腹中痺喉痺
哽噎寒熱咽中痛不可食脊脇相引忽忽喜忘衄
血不止

然谷二穴火也一名龍淵在足內踝前起大骨下陷中

灸三壯針三分不宜見血 素問注刺三分刺此

多見血令人立飢飲食千金注婦人方云在內踝
前直下一寸 銅人經云足少陰脉之所流也為
榮治咽內腫心恐懼如人將捕涎出喘呼少氣足
跗腫不得履地寒疝少腹脹上搶胸脇欬唾血喉
痺淋瀝女子不孕男子精溢鬻痿不能久立足一
寒一熱舌縱煩滿消渴物注小兒臍風口噤痿厥
洞洩西方子云主胸中寒脉代時不至溫瘧汗出

陰上縮內腫氣咽喉而不能言舌下腫難言不嗜食

太谿二穴土也在內踝後跟骨上動脈陷中灸三壯針三分 明堂經云主痰瘧欬逆煩心不得卧小便黃脛寒唾血及鼻衄不止也 銅人經云足少陰脈之所注也為膺治心痛如錐刺其心手足寒主節喘息者死嘔吐口中如膠善噫寒疝熱病汗不出默默嗜卧溺黃消痺大便難咽腫今附症癖寒

金匱要略卷之六
熱嗽不嗜食腹脇痛瘦瘠手足厥冷 西方子
云治大疝瘕積聚與陰相通及足清不仁熱病多
汗黃瘡多熱少腹寒中腫脹

大鍾二穴在足跟後衝中灸三壯針二分留七呼 銅
人經云走太陽足少陰絡治實則小便淋閉洒洒
腰脊強痛大便秘澀嗜卧口中熱虛則嘔逆多寒
欲閉戶而處少氣不足胸脹喘息舌乾咽中食噎
不得下善驚恐不樂喉中鳴欬唾血 西方子云

主腹滿便難多寒少熱

水泉二穴去太谿下一寸在內踝下灸五壯針四分

銅人經云少陰郄治月事不來即多心下悶痛目
眵眵不能遠視陰挺小便淋瀝腹中痛

照海二穴陰蹻脉所生在內踝下針三分灸七壯

千金云在

踝下四分明堂上經云陰蹻二穴在內踝下陷窕中針

三分灸三壯明堂下經云陰蹻二穴在內踝下

陷中灸三分一作外踝外千金云內踝下客爪甲

銅人經云治噤乾四肢懈惰善悲不樂久瘧卒
疝少腹痛嘔吐嗜卧怠惰大風偏枯半身不遂不
能行履小便難及女子淋瀝陰挺出又云主卒疝
小腹熱而偏痛病者左取右右取左立已女子月
水不調如墮墜汗出面黑飢不欲食四肢淫樂心
悶暴瘧及諸淋目痛大風暴不知人卧驚視如見
鬼尿如黃水小腹熱咽乾也 西方子云治大風
默默不知所痛視如不明 資生經云明堂上下

經有陰蹻穴而銅人無之惟有照海亦在內踝下
與陰蹻同而未知其故予按素問氣穴論云陰蹻
穴在內踝下是謂照海陰蹻所生則與銅人照海
穴合矣則是陰蹻即照海也故附陰蹻於照海之
末

復溜二穴金也一名昌陽一名伏白在內踝上三寸動
脈陷中針三分留三呼灸五壯 明堂云灸七壯
主女子赤白漏下銅人經云足少陰脈之所行也

為脛治腰脊內引痛不得俛仰起坐目眈眈善怒
多言舌乾涎自出足痿不收履骭寒不自溫腹中
雷鳴腹脹如鼓四肢腫十水病溺清赤黃白黑青
取井赤取滎黃取腧白取經黑取合血痔洩後腫
五淋小便如散火骨寒熱汗注不止 西方子云
主腰脊十分痛目視不明脚後廉急不可前却足
跗上痛風逆四肢廢

交信二穴在內踝上二寸少陰前太陰後廉前筋骨間

膞灸三壯針三分留五呼 明堂下經云內踝上
二寸後廉筋骨陷中素問氣穴論踝上橫二穴注
云內踝上者交信穴也又云主氣淋卒疝大小便
難及膝脛內廉痛也 銅人經云足陰躄之郄治
風淋癰疔陰急股引膞內廉骨痛又洩痢赤白女
子漏血不止 資生經云按素問氣府論陰躄穴
注云謂交信也在踝上二寸少陰前大陰後筋骨
間陰躄之郄竊意陰躄即交信也至氣穴論陰陽

蹻穴注乃云陰蹻穴在內踝下是謂照海陰蹻所
則是陰蹻乃照海非交信矣故明堂下經既有交
信穴在內踝上又出陰蹻穴在內踝下上不同蓋
二穴也但不知素問之注何故前後自異學者毋
信其一注而不考其又有一注也

築賓二穴在內踝上臑分中灸五壯針三分 明堂云
在內踝上灸三壯 又云主小兒胎癰病吐舌及
嘔吐下利也 銅人經云治小兒胎疝痛不得乳

癰疾狂言吐沫足臑痛 明堂云在足外踝上

陰谷二穴水也在膝內輔骨後大筋下小筋按之應手

屈膝乃取手之灸三壯針四分留七呼 銅人經

云少陰脉之所入也為合治膝痛如錐不得屈伸

久立舌縱涎下煩逆溺難少腹引急陰痛股內廉

痛婦人漏血不止腹脹滿不得息小便黃男子如

蠱女子如妊娠 西方子云寒熱腹偏腫陰痿

足太陽膀胱經左右三十六穴



至陰二穴金也在足小指外側去爪甲角如韭葉一云
宛宛中針二分灸三壯 明堂云主瘧發寒熱頭
重心煩目翳眵鼻塞不通小便淋瀝失精 銅
人經云足太陽脉之所出也為井治目生翳鼻塞
頭重風寒從足小指起脉痺上下帶胸脇病無常
轉筋寒瘧汗不出煩心足下熱小便不利失精針
入二分可灸三壯 西方子云主鼻軌清涕出及
主耳聾鳴脇相引急痛

通谷二穴水也在足小指外側本節前陷中灸三壯針

二分 銅人經云足太陽脉之所流為榮治頭重

目眩善驚引𩑦𩑦頸項痛目眴眴甄權云結積留

飲癖胸滿食不化 西方子云主頭痛寒熱汗出

不惡寒項如拔不可左右顧目不明惡風寒胸脇

支滿心中憤憤數欠𩑦心下悸驚恐咽中乾痛心

痛鼻𩑦清涕

束骨二穴木也在足小指外側本節後陷中灸三壯針

三分 明堂云主驚癇狂癲身寒熱頭痛目眩秦
承祖云主風赤胎赤兩目皆爛 銅人經云足太
陽脉之所注也為脗治腰如折脗如結耳聾惡風
寒目眩項不可回顧目內皆赤爛又云主身熱肌
肉動 西方子云主腸澼泄癲疾搐引善驚羊鳴
頭痛狂易多言不休瘡從脚脗起髀樞中痛不可
舉

京骨二穴在足外側大骨下赤白肉際陷中按而得之

針三分灸三壯 明堂云五壯素問註三壯 明

堂云灸五壯主寒瘧苦熱驚悸不欲食腿膝痠脚
攣不得伸癰病狂走痰厥脾樞痛及脛膝寒也

銅人經云足太陽脉之所過也為原治膝痛不得
屈伸目內眥赤爛發瘧寒熱善驚頸項強筋治足
骭痠腰背不可俛仰顛衄血不止目眩 西方子

云主目中白翳目反白從內眥媼主頭熱鼻不利
涕黃淋瀝自齧唇背惡寒痛脚攣足寒脊痠反折

狂仆

申脉二穴陽蹻脉所出在外踝下陷中容爪甲白肉際
針三分千金云申脉在外踝下陷中 明堂云陽
蹻二穴在外踝前一寸陷宛中針三分 素問氣
穴注陽蹻穴是謂申脉陽蹻所在外踝下陷中按
刺腰痛篇注在外踝下五分繆刺論注外踝下半
寸容爪甲 銅人經云治腰痛不能舉體足脣寒
不能久立不能乘舟車癰疾又云治脚氣腎氣婦

人血氣 西方子云主目反上視苦赤痛從內眥
始脛中寒熱脹氣鼻衄血不止 資生經云明堂
上經有陽蹻穴面銅人無此穴惟申脉二陽蹻脉
脉所出在外踝下陷中與陽蹻穴同而未知其故
予按素問氣穴論陰陽蹻穴註云是謂申脉陽蹻
所出在外踝下陷中則與銅人申脉穴合是則陽
蹻即申脉也故附明堂陽蹻於申脉之後

金門二穴一名闕梁在足外踝下

一云陷中

灸三壯炷如小

麥針一分 銅人經云足太陽郄維所別屬也治
霍亂轉筋膝骭痠身痺不行久立癰瘡尸厥暴疰
小兒發癰張口搖頭身反折 西方子云主馬癰
及暴死

僕然二穴一名安耶在跟骨下陷拱足得之針二分灸
七壯明堂云三壯 銅人經云治足跟痛不得履
地脚痠轉筋尸厥如中惡伏霍亂吐逆癰瘡狂言
見鬼針入三分 明堂云主腰痛不可舉足承山

下重 西方子云主足跟後痛足痿失履不收癰
疾馬癰吐舌鼓額恍惚煩痛小兒馬癰張口搖頭
身反折馬鳴

崑崙二穴火也在外踝後跟骨上陷中素問註細脉動
應手灸三壯炷如小麥針三分 明堂云上崑崙
外跟下一寸大筋下一云在大筋後內陷骨宛宛
中蹲地旁引取之 又云主寒熱癰疾目眵眵鼻
衄血 腰尻重不欲起俛仰難惡聞人音女子絕

產也銅人經云足太陽脉之所行也為經治腰尻
痛足端重不得履地甄衄脚如結踝如裂頭痛肩
背拘急欬喘暴滿陰腫痛小兒發癰瘕癰 又云
上崑崙治惡血風氣腫痛脚腫 又云下崑崙主
刺風疹風熱風冷痺腰疼偏風半身不遂脚腫疼
不履地針四分灸亦良百壯止 西方子云灸十
壯主目眩不明目如脫目眩眵不明惡風寒目急
痛赤腫頭熱鼻衄衄腹痛滿暴喘腹脹滿不得安

息且大便洞泄體痛霍亂尻腰腫脰跟腫狂易大
風癰瘰口閉不得開瘡多汗瘡寒小兒陰腫頭眩
痛脚痿轉筋尸厥中惡吐逆欬喘暴痛 資生經
云明堂有上崑崙又有下崑崙銅人只云崑崙而
不載下崑崙崑崙銅人不全耶抑名不同未可知也
但上經云內崑崙在外踝下一寸下經云內崑崙在
內踝後五分未知孰是予謂既云內崑崙則當在
內踝後矣下經之穴為通上崑崙在外踝故也

付陽二穴在外踝上三寸

足太陽穴同
千金亦同

陽蹻都太陽前

少陽後筋骨間陽蹻之郄灸三壯針五分留七呼

明堂下經云附陽在外踝上二寸

二字當作三

後筋骨

間宛宛中灸五壯素問氣府論陰陽蹻各一注云

陽蹻謂附陽穴在外踝上三寸太陽前少陽後筋

骨間陽蹻之郄

明堂云陷者中主腰痛不能久

立腿膝脛痠重筋急屈伸難坐不能起及四肢不

舉銅人經云治痿厥風痺頭重頤痛髀樞股髀

痛癢癰風痺不仁時有寒慄

一作寒熱

西方子云臑外

廉骨痛

資生經云按素問氣府論陽蹻穴註云

謂附陽穴也在外踝上三寸竊意陽蹻即附陽也

及考氣穴論陰陽蹻四穴注云陽蹻穴是謂申脉

陽蹻所出則是陽蹻乃申脉非附陽後故明堂下

經既有附陽在外踝上二寸上經又有陽蹻在外

踝前一寸一寸二寸既異是附陽陽蹻各是一穴

也但不知素問之注何故前後相背耶

飛陽二穴一名厥陽在外踝上九寸

明堂千金並云七寸

針三分

灸三壯明堂云五壯

又云外踝上七寸陷者中

主體重起坐不能步失履不收脚喘疲重戰慄不

能久立

銅人經云一名厥陰足太陽絡別走少

陰在外踝上七寸治野雞痔厯節風足指不得屈

伸頭目眩逆氣顛衄癰疾瘧又云主頭眩目痛

西方子云主頸項疼汗出腰痛如折喘中痛吐

舌下部寒熱汗不出體重狂瘧瘕脊反折痔傷痛

逆氣頭熱足痿

承山二穴一名魚腹一名肉桂一名傷山在充膺腸下
分肉間陷中灸一壯針七分明堂云八分得氣即
瀉速出針灸不及針止七七壯明堂下經云五壯

一云在腿肚
下分肉間

銅人經云治腰背肩腕膕重戰慄不
能立脚氣膝下腫霍亂轉筋大便難久痔腫痛

又云定腹取之主脚弱無力脚重偏不遂久亦得
西方子云主頭熱鼻衄大便難脚攣脛痠急

跟痛脚筋急痛兢兢足下熱不能久立寒熱癰疾
脚腓疼痛膝腰腓重起坐難小腹疝氣遊行五臟
腹內切痛 明堂云主筋攣急不可屈伸

承筋二穴一名腓腸一名直腸在腓腸中央陷中灸三
壯禁針明堂云在脛後從脚跟倒上七寸腓中央
陷中針三分千金云從脚跟上七寸腓中央不刺
銅人經云治寒痺轉筋支腫大便難脚腓痠重引
少腹痛鼻衄血腰背拘急霍亂 又云足太陽脉

氣所發治風勞熱足煩腫痛轉筋急痛身癰疹大
小便不止西方子云主頭痛寒熱汗不出惡寒支
腫大便難脚攣脚脛痠脚急跟痛脚筋急痛兢兢
足下熱不能久立脛痺不仁痿癱脚痠脚痛如折
脚喘痠痛重引小腹及腰脊痛惡寒痔痛指下腫
鼻鼾衄 資生經云銅人千金皆云禁針明堂乃
云針三分亦可疑矣不針可也

合陽二穴在膝約中央下二寸

作三寸

針六分灸五壯

銅人經云治腰脊強引腹痛陰腫成癰筋疾重履
步難寒疝癰疾陰偏痛女子崩中 西方子云主
膝股熱脛痠重腹下痛腸澼陰偏暴敗痛

委中二穴土也臍中央約文中動脈今附委中者血郄
也熱病汗不出足熱厥逆滿膝不得屈伸取其經
血此愈 明堂云甄權云在曲趺內兩筋兩骨中
宛宛是令面挺腹地而取之針八分留三呼瀉五
吸甲乙云針五分留七呼灸三壯素問註在足膝

後屈處臍中央約中文又骨空論云在膝解後曲
脚中背面取之 明堂經云令病人合面卧舒挺
兩脚取之灸三壯主脚弱無力腰尻重曲蹠中筋
急半身不遂銅人經云足太陽脉之所入也為合
治腰挾脊沉沉伏遺溺腰重不能舉體風痺樞痛
可出血痼疹背愈西方子云凡風濕痺腰脚重痛
於此刺血久痼宿疹亦背立已主小腹熱而偏痛
陰蹻遺小便難尿赤難衄血劇不止腰痛挾脊至

頭背痛筋急身熱痔痛腋下痛腫少腹堅腫脊強
反折瘈瘲癰疾頭痛熱病汗不出足熱厥逆滿膝
不得屈伸

委陽二穴三焦下腘也在太陽後於腘中外廉兩筋
間屈伸取之扶承下六寸灸三壯針七分素問註
在足腘中外廉兩筋間千金云足太陽前少陽後
銅人經云足太陽脉之中治腋下腫痛胸滿脇
虛筋急身熱風痺不仁小便淋瀝西方子云陰跳

及小便難小腹堅痛引陰中不得小便腰痛不可
俛仰脊強反折瘰癧癰疾頭痛筋急膨脹飛尸遁
注痿厥不仁

浮郄二穴在委陽上一寸展膝得之灸三壯針五分
西方子云主小腹熱大便堅太陽膀胱經大腸結
股外經筋急髀樞之

殷門二穴在內郄下六寸針七分 西方子云主膝脊
不可俛仰舉委惡血主之股外腫

扶承二穴一名肉郛一名陰關一名皮部在尻臀下股

陰衝上文中針七分 明堂經云灸三壯千金云

在尻臀下股陰下文中

一云尻臀下橫文中

又云主腰脊尻

臀股陰寒痛五種痔疾瀉解血尻權中腫大便秘

小便不利 西方子云主小便不利失精腋腫

尻下腫大便秘出及陰胞有寒腰脊相引如解尻

腋腫大便秘 資生經云以上諸穴皆依銅人經

次第而編明堂上下經有穴而銅人不載亦或附

入惟有其穴而無其名者無慮數十穴不編當各
依本經所說而針灸之不可泥此經之無穴名而
不針灸也又云扁鵲灸鬼邪凡三十穴與銅人明
堂同而其名却異故不編入許希針經之穴既與
諸經不同其名又異如與龍穴之類是已亦不付
入者不欲以一人之私名亂諸經之舊穴以滋後
學者惑也又云若諸穴以銅人為次凡三百六
十其明堂上下千金等方有穴銅人不載數穴既

附入之其未附入更數十穴如眉衝眉兩頭明直髮際上明

堂鼻直上入髮際明下當陽當重人直上入髮際一寸明下胸腔兩乳間見欬逆上氣

頭衝一名頸衝見癰瘡氣衝一名氣堂見口謔注市在

兩乳邊邪下見尸厥交在臍下橫文中胞門在關元

左邊二寸氣門在關元旁三寸並見無干氣穴見月事水

原王泉門並見無子衝門見難產九曲見血塊中都陰谷合陽

見血崩天瞿見癰疾窮骨覲百勞穴見產後餘疾故載之卷

末其扁鵲灸鬼邪十餘穴不載云

呂細穴足太陽膀胱經資生等經不載出濟生拔萃方
及流注通玄指要賦治牙齒痛

灸膏肓法

莊季裕編灸膏肓腧穴法

孫真人千金方論曰膏肓腧穴無所不治主羸瘦虛損
夢中失精上氣欬逆狂惑忘誤取穴法人正坐曲脊
伸兩手以臂著膝前令正直手大指與膝頭齊以物搭
之前勿令臂得動搖從脾骨上角摸索脾骨下頭其間

當有四肋三間灸中間依脾骨之裏肋間空處去脾骨
容側指許摩肥肉之表筋間空處按之自覺牽引胸戶
中灸兩脾中各一壯至六百壯多至千壯當覺氣下礮
礮然如流水狀亦當有所不出若無停痰宿疾則無所
下也若病人已困不能正坐當令側卧挽一臂令前來
取穴灸之也求穴大較以右手從右肩上住指頭表所
不及者是也左手亦然乃以前法灸之若不能久正坐
常伸兩臂者亦可伏依襖上伸兩臂令人挽兩脾骨使

相離不爾脾骨覆穴不可得也所伏依襖當令大小常定不爾則失其穴也此灸訖後令人陽氣康盛當消息以自補養取身體平復其穴近第五椎相准望取之

論曰昔秦緩不灸晉侯之疾以其在膏之上育之下鍼藥所不及即此穴是也時人拙不能救得此穴所以沉疴難遣若能用心方便求得灸之無疾不愈矣王惟一明堂銅人灸經云膏肓腧二穴在第四椎下兩傍相去各三寸人正坐曲脊伸兩手以臂著膝前令正直手大

指與膝頭齊以物撐肘勿令臂動搖也從脾骨上角摸
索至骨下頭其間當有四肋三間灸中間從胛骨之裏
去胛骨側指許摩胎去表肋間空處按之自覺牽引於
肩中灸兩胛中一處至百壯多至五百壯當覺下簷簷
似流水狀亦當有所下若得痰疾則無所不下也如病
人已困不能正坐當令側卧挽上臂令前取穴灸之右
以右手從右肩上住指頭所不及者是穴也左取亦然
乃以前法灸之若不能久坐當伸兩臂令人挽兩髀骨

使相離不爾即胛骨覆其穴灸之不驗此灸訖後令
人陽氣康盛當消息以自補養

量同身法第一

千金方云尺寸之法依古者八寸為尺仍取病者男左
女右手中指上第一節為一寸亦有長短不定者即取
手大拇指第一節橫度為一寸以意消息巧拙在人外
臺方亦問上法又一云三寸者尺三寸指也聖惠方云
今取男左女右手中指第二節內度兩橫文相去為一

寸自依此法療病多愈今以為定此穴取寸石藏用亦用聖惠方為准以蠟紙條子或薄篋量患人男左女右

指中節橫文上下相去長頭為一寸謂之同身寸


若曲指即

傍取中節上下兩交角相去遠近為一寸若伸指即正取中指自上節橫文至第二條橫文長者相去遠近為一寸與屈指一寸長短亦相符合然中節中從上人之身手指或有異者至於指文亦各不同更在曲意詳度之也
此摺紙篋與同身寸相等為六寸逐寸以墨界之勿

令長短有所出入不同截斷收之俟以此量灸穴自脊中第四椎下停分兩傍各三寸為膏肓腧足太陽膀胱

經脈氣之所發也

樣篋竹



樣紙蠟



屈指量寸法圖



伸指量寸法圖



正坐伸臂法第二

令患人用整椅正坐兩足平跖至地膝與髀股高下俱

平兩足相並足指前齊盡腕去上體衣服

若不盡腕則衣服束臂不

能得脾穴不得若氣怯畏寒則反著衣以骨相離取領在胸前領下以襟交覆腰間候點定穴灸時更臂穿衣令遮背心以帶束近穴處勿令與坐炷下火相礙曲脊伸臂以兩手按膝上令

中指當膝蓋中兩大指緊相並指頭與膝蓋骨前齊微

用力直舉腕中勿令斜屈動揺

段彥聰仲謀大夫云若右手按左膝則脾骨開藏用

謂以左手按右膝交腕有高下胛骨亦隨之偏則當嘗或用其說則兩手相上如舊法以左手按左膝為是

正坐伸臂法



揣顙骨定穴高下法第三

令患人正坐曲脊伸臂以指揣項後脊骨自第一顙至

第五顙

更有大顙在第一顙上宛宛陷中非有骨也有骨處即是第一顙顙字千金古方並作椎王惟

一新定明堂經改本傍從顙

逐顙以墨點記之令上下端直分明

墨點

訖便以蛤粉泥乾即克有擦動

自第四顙至第五顙更以蠟紙或篋比

量兩顙上下相去遠近摺為三分亦以墨界脊上顙間

取第四顙下二分微多第五顙上一分微少用濃墨圈

定此是灸穴相六寸之中為兩穴高下遠近之准

千金方謂

穴近第五顙相顙望取之
故謂顙上三分之一也

更墨兩顙相去則同身一寸

三分七厘微縮有無大段長短不同以參合甲乙經自

大顙至脊骶并二十二顙共長三寸之法若顙骨分明

縱有不同亦以顙數為定

若以大顙至尾骶骨一尺法
交之則令其人平身正立當


脊骨中用勁直杖子從地北度至臍中心截斷回杖子
於背上自命門穴杖子盡處即是第十四顙下第十五
顙上當中命門穴也自命門穴上以同身寸量一尺三
寸五分即是第四顙下九分七厘第五顙上四分其兩
傍各三寸乃膏肓腧穴也若自第一顙北向下則同身
寸五寸一分有餘是也然人身上下停長短各自不同
大槩當以顙骨為定也王冰注素
問注有云脊節為顙脊窮為骶

揣顙
骨定
穴高
下法



量臍心法

量命門穴上尺寸法



定穴相去遠近法第四

用先截量下同身六寸蠟紙或篾橫置脊骨第五顛上
中央墨圈定處令寸數界盡當墨圈中心兩頭平直各
三寸勿使展縮於紙篾兩頭盡處以墨圈之令圈大小

直徑三分

千金方云黃帝曰灸不三分是謂徒之小謂
究炷務大也小弱炷乃小作以意商度謂虛

弱小兒弱
之人也


一半在紙篾頭內一半在紙篾頭外令與脊中

第五顛上墨圈定高下處三圈相直以為兩穴相去遠
近之准

艾炷大小樣式

關原

定穴去遠近之圖




鈎股按穴取平法第五

又用前量同身寸紙篋脊中第五顙上中央墨所圈處
照脊骨端直向下比量四寸至第七顙以量點記自墨
點却兩邊向上斜量歪灸穴圈中心使各恰當同身寸
之五寸為兩穴高下平直之准


圖之穴取股鉤

脊心第
五頤上



鈎股按穴取平之圖

股鈎



參驗求穴法第六

令患人平身正坐自以右手從右肩上住附項伸指直搭背上以墨記其中指指頭所及處左手亦然記之又從胛骨上角摸擦至胛骨下頭其間當有四肋三間

其四

肋自胛骨橫排至脊骨上用力案摩如覺隱指是筋而非骨千金方謂兩間空處疑四肋肋字為誤而王惟一於銅人灸經中又并改筋間為肋間及以右手從右肩上住亦用千金翼改為左肩上住若以右手搭左肩則指之所及已在第五顚下去穴甚遠皆非是當以方為正也 灸穴當三間之中依胛


骨下容側指許摩胛肉之表於筋間空處穴上按之自

覺牽引胸戶中

千金翼云牽引肩中石按藏用又用菟子或筋頭令穴欲其堅實患人易覺也

及照所圈灸穴在先記患人指所及之處下或傍側指不可及處以驗穴之是非然指有短長膚有豐瘦若相合固善如不合即不可以此遂廢餘法亦有人胛骨去脊骨相遠過同身三寸以上者即難用脊顛兩傍各三寸之求但求四肋三間之中依胛骨下側指許為穴可也

恭驗求穴法



坐點坐灸法第七

坐炷下火時令患人一依點穴時正坐伸臂頭項肩背
手足腕膝不得少有欹側伸縮改易及臂中舉按用力
輕重亦常令勻若一事稍異於前胛骨便輒相近覆背
灸穴艾炷即在骨上或胛骨開而相遠動爭寸餘火氣
不入穴中徒受苦楚無所益也若不失其穴灸至數壯
覺胛骨中通熱而不堪痛意自快暢

石用之云當覺臂
中有習習然也

至數十壯後或苦腕中疲辛若以几支或用輦帛於肘

上腕中連束二臂令緩急得所亦能少助益手欲按而
臂欲舉故腕中費力或少休頃刻亦無害但要安頓身
體四肢一如前耳如日灸五十壯累至數百為佳千金
方云灸六百至千壯當覺氣下礫礫然如流水狀亦當
有所下其治疾之效甚衆且敏

有上氣喘滿即時平減者有婦人經候不通已

八月灸兩日而下者如此之數甚多

穴至在上而最能下氣非他穴藥石

之比而又無所不治有疾者宜留意焉

坐點坐灸法




石用之取穴別法第八

石藏用字用之京師大醫也其治療方術一從古法亦多為人灸此穴其取穴法令患人牀榻上盤膝正坐隨人之肥瘠大小置栲栳或墊枕之類以衾絮冒之令兩臂相交平伏其上餘亦相同乃用千金方不能久坐伸臂使伏衣襟上之意也其用堅物云欲大小高下常定勝於衣襟但臂之伸屈與古異耳其治皆效蓋醫者意也隨事增損初無定方孫真人笑秦緩之拙不能求得

此穴但知鍼藥之不及不知火氣之能徹側求之浸巧是不為過也紹興己未歲余守武昌時總領邵戶部王云少時病廢得泉州僧為灸膏肓令伏於栲栳上增以指節極力按尋其穴令病者覺中指麻乃是穴若指不麻或雖麻而非中指者皆非也已而求得之遂一灸而愈壬戌四月增記於此



石藏用取穴別法圖



卷四百十六
葉潘等取穴別法第九

葉餘慶字元善平江人自云嘗病療疾其居對橋而行不能度有僧為之灸膏肓穴得百壯後二日即能行數里登降皆不倦自是康強其取穴法但並是垂手正身直立勿令俯仰取四椎下兩傍同身寸各三寸灸時以軟物枕頭覆面卧垂手附身或臨時置身取安便而已其轉為人灸亦用此法云皆有功然於昔人取穴之法甚畧又與千金方點則立灸之說不合歐陽興世行之


陳了翁瑩中壻也了翁得無為張濟鍼術其穴求尤妙
嘗為行之灸膏肓膈故痕可見以葉所言校之葉穴微
下蓋脊有曲直之殊不能無少異也又常熟縣醫二潘
琪云渠傳之於師取穴之法正坐曲脊並足而仰兩手
令大指與臍屈肘當脾股上亦自是其說雖與千金方
伸臂令正直之法不同然此立點則近古矣又衢州開
化縣普鑑院僧仲開得取穴三法其一法正坐豎立兩
膝當乳以兩臂環抱屈手向膝以左手頭指以指捏左

膝眼右手指亦然於背上數椎骨量穴依此坐久又法
正坐立膝外直伸向足豎兩手相背以頭指向身手捏
兩足大指頭岐間餘亦如上其比同身寸只用伸指法
似亦可用今俱存之不特以備見聞之博且使後人較
其短長知所適從不為異端之所惑也

葉元善取穴法圖



葉元善臥灸法圖



潘琪仰手曲肘取穴法



魯仲
聞取
穴前
法圖



曾仲
聞取
穴後
法圖



灸訖補養法第十

孫真人云此穴灸訖令人陽氣康勝當消息以自補養
取身體平復其補養之道宜食溫軟羹飯毋令太飽及
飲啖生冷油膩黏滑鷄炙魚蝦笋蕨其他動氣發風之
物并觸冒風寒暑濕勿以陽氣乍盛輕犯房室如覺氣
壅可灸臍下氣海丹田關元中極四穴中一穴又當灸
足三引火氣以實下隨病深淺加以歲月將息自可保
平復不然是猶倚一木以支大廈之傾又發而去其覆

必矣歸罪灸之不善非也余自遭金狄之難憂勞危難
衝冒寒暑避地從晉丁未八月抵泗濱感疲瘡既至琴
川為醫妄治榮衛衰耗明年春末尚苦肘腫腹脹氣促
不能食而大便利身重足痿杖而後起得陳了翁家專
為灸膏肓穴自丁亥至癸巳積三百壯灸之次日即胸
中氣平腫脹俱損利止而進食甲午己能肩輿出謁後
再報之仍得百壯自是疾證浸減以至康寧時親舊聞
見此殊功灸者數人宿疴皆除孫真人云若能用心方

便求得其穴而灸之無疾不愈信不虛也因考醫經同
異叅以諸家之說及所親式自量寸以至補養之法分
為十篇并繪身指曲伸坐立之像圖於逐篇之後令覽
之者易解而無徒寬之失亦使真人求穴濟衆之仁益
廣於天下也建炎二年二月十二日莊綽記

明堂應驗小兒灸穴圖

附論

夫小兒之患許悉幽玄默而抱疾自不能言也或即胎中受病或是生後傷風動發無時寒溫各異且據諸家方論醫藥多門藥既無痊全憑灸法散在諸經文繁至甚其說不同既點穴以差訛則治病全然繆按諸家明堂之內精選到小兒應驗七十餘穴並是曾經使用累驗神功今錄於後

正形人第一



頂上旋毛中穴

頂上旋毛中及耳後青絡脉各灸三壯
炷如小麥大治小兒驚癇先驚悸啼

後乃發也

髮際穴

鼻柱上髮際宛宛中灸三壯炷如小麥大
治小兒風癇先屈手指如數物乃發也

天澤穴

天澤二穴在肘中橫文約上動脉中灸
各一壯炷如小麥大治小兒緩驚風

手大指次指間穴

手大指次指間後一寸五分陷者中
灸各三壯炷如小麥大治小兒二三

歲忽發兩眼大小暗俱赤

臍上臍下穴

臍上臍下各五分二穴灸各三壯炷如小
麥大治小兒顛開不合灸瘡發顛門先合

中衝穴

中衝在中指脾後一分灸一壯炷如小
麥大治小兒夜啼上燈鳴鷄鳴上者

正形人第二



璇璣穴

璇璣一穴在天突下一寸陷者中灸三壯炷如小麥大治小兒喉中鳴燕乳不利

巨關穴

巨關穴在鳩尾下一寸陷者中灸三壯炷如小麥大治小兒諸癰病如尸厥口噤吐沫癰病者

小兒惡疾也呼吸之間不及求師至困者不少諺云國無良醫枉死者半

肘橫文穴

屈肘橫文中上三分各灸一壯炷如小麥大治小兒睡中驚目不合

勞宮穴

勞宮二穴在手心中以名指屈指頭勞宮著處是也各灸一壯炷如小麥大治小兒口有瘡蝕

氣衝人
齟爛臭穢


少陰穴

手少陰在掌後去腕半寸陷者中灸三壯炷如小麥大治小兒鷄癰善驚反掣自搖

內庭穴

內庭穴在足大指次指外間陷者中灸各一壯炷如小麥大治小兒癰久即愈

正形人第三



入髮際三分穴

鼻上入髮際三分灸三壯炷如小麥大治小兒身強角弓反張次灸大椎下節

間三壯

兩乳前各一寸半上兩行三骨間穴

兩乳前各一寸半上兩行三骨罅間

六處灸各三壯炷如小麥大治小兒龜背緣肺熱脹滿攻胃膈所又緣乳母食熱起五辛轉更胃起高也凡春夏從下灸上秋冬從上而灸下若不依此法則十患不愈一二

合谷穴

合谷二穴在手大指次指兩骨間陷者中各灸一壯炷如小麥大治小兒疳瘡

臍下二寸三寸穴

臍下二寸三寸間動脈中灸三壯炷如小麥大治小兒秋深冷痢不止

正形人第四



鬼祿穴

鬼祿穴在上唇內中央弦上灸一壯炷如小麥大治小兒驚癇用鋼刀決斷佳

分水穴

分水穴在臍上一寸灸一壯炷如小麥大治小兒水氣盡腫及腹大

手中指節穴

手中指本節頭名拳尖灸三壯炷如小麥大治小兒熱毒風威眼疼痛

肺俞穴

其穴在三椎下兩傍各一寸半灸三壯炷如小麥大治小兒龜背生時被客風拍着脊骨風

達於髓也所致如是

心俞穴

其穴在五椎下兩傍各一寸半灸各三壯炷如小麥大亦治小兒龜背與肺俞穴同

膈俞穴

其穴在七椎下兩傍各一寸半灸各三壯炷如小麥大亦治小兒龜背與肺俞心俞穴同

腰骨節間穴

腰對臍骨節間灸三壯炷如小麥大治小兒臍腫

正形人第五



前項穴

其穴在百會一寸灸三壯炷如小麥大治小兒急驚風若不愈須灸兩肩頭及鼻下人中一穴

率谷穴

其穴在耳上入髮際一寸五分嚼而取之灸小兒但是風癰疾諸般醫治不瘥者

中庭穴

其穴在臍中穴下一寸陷者中灸一壯炷如小麥大治小兒嘔吐

妳汁中渚二穴

其穴在手小指次指本節後陷者中灸各一壯炷如小麥大治小兒目澁怕明

狀如青育

手大指內廉橫文頭穴

在手大指甲後一寸內廉橫文頭白肉際灸各一壯炷如小麥

大治小兒雀目夜不見物

足大指次指文端穴

在足大指次指端去爪甲如韭葉灸各一壯炷如小麥大治小兒睡中驚掣

正形人第六



顙會一穴

其穴在上星一寸直鼻灸二壯炷如小麥大治小兒多涕是腦門被風拍着及肺寒也

天突穴

其穴在項結喉下三寸兩骨間灸一壯炷如小麥大治小兒急喉痺鳩尾上五分灸三壯炷如小

小麥大治小兒食間者
先寒熱洒淅乃發也

鳩尾一穴

其穴在腦蔽骨下五分陷者中灸三壯炷如小麥大治小兒牛癰目脹直視腹脹乃發也

僕然二穴

其穴在足跟骨下白肉際陷者拱足取之灸各三壯炷如小麥大治小兒馬癰張口搖頭

身反折
馬鳴也

內崑崙二穴

其穴在內踝後五分筋骨陷者中灸各三壯炷如小麥大治小兒陰腫

背形人第一



百會一穴

其穴在頭中心陷者是也灸三壯炷如小麥
大治小兒脫肛瀉血每痢臟腑撮痛不可忍
者

承漿一穴

其穴在下唇稜下宛宛中是也灸七壯炷如
雀屎大治小兒初生三四日二七日口忽噤
不吮妳多啼者是客風中於臍循流至心脾二經
遂使舌唇經痙啍妳得斯疾所使方藥不有十全
大抵以去風無過
灸此穴次穴頰車

頰車二穴

在耳下曲頰骨後灸各七壯
炷如雀屎大治證亦同前

譙譙二穴

在第六椎下兩傍各三寸宛宛中灸各一壯
炷如小麥大治小兒食滯頭痛及五心煩熱

九椎上穴

九椎上灸一壯炷如小麥大治小兒三五歲
兩眼每至春秋忽生白翳遮瞳子疼痛難忍

背形人第二



心俞穴

其穴在五椎下兩傍各一寸半陷者灸三壯炷如小麥大治小兒五六歲不語者心氣不足舌

本無力
發轉難

接脊穴

其穴在十二椎下節間灸一壯炷如小麥大治小兒痢下赤白秋末脫肛每廁肛疼不可忍著

聖惠方
作腹痛

翠尾骨穴

翠尾骨上三寸骨陷間灸三壯炷如小麥大療小兒疳痢脫肛體瘦渴飲形容瘦悴諸般


醫治不瘥者岐伯云兼三伏內用桃柳木浴孩子午正時當日灸之後用青帛子拭乾有似見疳蟲

子隨汗出也此
法神效不可量

龜尾穴

其穴即脊端窮骨也灸一壯炷如小麥大治小兒脫肛瀉血秋深不效

背形人第三



大杼二穴

灸在項後第一椎下兩傍各一寸半陷者中灸各一壯炷如小麥大治小兒斑瘡入眼

肩中俞二穴

在肩甲內廉去脊二寸陷者中灸各一壯炷如小麥大治小兒疥癬目不明

九椎下節穴

第九椎下節灸三壯炷如小麥大治小兒羊癲目瞪吐舌羊鳴也

陽剛二穴

在十四椎下兩傍各一寸陷者中灸各一壯炷如小麥大治小兒飲水不歇面目黃者

十字文

囊後縫十字文當上灸三壯炷如小麥大治小兒胎產疝卵偏腫重者春灸夏灸秋效秋

灸冬效冬
灸春效

胃俞二穴

其穴在十二椎下兩傍各一寸半陷者中灸各一壯炷如小麥大治小兒羸瘦食飲少生

膚肌

全嬰方灸法

凡點灸法背須平直四肢無使傾倒灸時孔穴不正無益於事若卧則卧灸立點則立灸坐點則坐灸反此則不得其穴矣

凡灸若霧風雪猛雨炎暑雷電虹霓暫時且停候晴明再灸灸時不可太飢太飽見一切不祥之事


凡新生男女七日已上周歲已還不過七壯如雀糞大頭面手足胷前諸穴不可灸有疾不過七壯背不過七

壯

又云小兒艾炷如小麥許但三五壯而止

又云夫病至極甚服藥無效者可以求療尺寸之法古者以人中指第二節內度兩橫文為一寸其間有手短身長者是以不可一概論也今人不辨長短但以灸之多不應效通真子云身手平等者以中指第二節為一寸身長手短者大姆指第一節為一寸宜依此行取患者男左女右手為一寸即無礙矣

又云大人小兒男左手女右手比量中指第一節為一寸千金翼云灸節指根



普濟方卷四百十六